

Գերլայմեճար Գերլայրգելի Արքայնոր մերոյ  
Տեսան Տեսան Ստեփաննոսի Վրայ.ի ողջոյն ի Քրիստոս

Թուղթ ՄժԴ.

... քաբուճին պատրի ոմն Ֆրանսըզ՝ անուն յովսէփ առաքեալ ի գրքապետէ ֆրանսըզ թագաւորին, եկեալ էր այսր ուսանիլ զհայերէն լեզու, որպէս զի յետոյ երթեալ ի ֆրանսայ թարգմանեսցէ զհայ գրեանս զեղեալս անդ ի թագաւորական գրքատան: Աս պատմէր թէ բազում ձեռագիր գրեանք հայոց կան անդ՝ իբր երկու հազար կտորք, և քանի մի ևս հին ձեռագիր աստուածաշունչք: Արդ այս պատրի չգտեալ աստ զլաւ ուսուցիչ, ահա չուէ զալ այդր, որպէս զի ի մէնջ ուսցի զհայ լեզուն. զոր ուսումն կարծեմ լաւ կարէ առնել նմա մեր Հ. Վրթ. որ ըստ մեծի մասին կայ ի Վէնէտիկ: Վասն սորա զիր յանձնարարական գրեալ է առ ձեզ նաև աստ եղեալ ֆռէնկ Վիքարն, որ և աղաչեաց զիս, զի և ես գրեցից ձեզ առնել նմա զայս շնորհ ուսուցանելոյ զհայ լեզու: Ես կարծեմ, եթէ արասցուք նմա զայս շնորհ, բազում բարիք ծագին մեզ. մի՛ զի ի դառնալ նորա ի ֆրանսայ՝ կարէք ընկերակցել ընդ նմին գոմն ի մէնջ, (զոր օրինակ զՀ. Մինասն), զի զձեռագիրս հայոց անդ եղեալս քննեսցէ, և այն: Եւ երկրորդ՝ թերևս այսու առթիւ ծանօթս լիցոյք մեք ֆրանսըզ թագաւորին, որով և ըստ ժամանակին մենաստան մի ևս անդ ստասցուք: Ուստի խնդրեմ, զի յամենայն սրտէ հոգ տարչիք ուսուցանել պատրուն զհայ լեզուն ի հասանել նորա այդր: Յուսամ թէ այսու ընանին փափաքք մեր Հ. Մինասին, և որոց նորա սակի են ի գաւանել զձեռագիր աստուածաշունչս, զորմէ զրէ Գերլայրգինձ յայսմ թղթիդ՝ ունիլ հոգս առձեռն բերելոյ զերկու ձեռագիր աստուածաշունչս...

1769 փետրվարի 12

[Կ. Պոլիս]

Նուստ ծառայ

Հ. Զաքարիա Վ. Ա. Մ.

ՄՁԴ.

Աւստրիոյ Յովսէփ Բ. Կայսեր դէպի Հռովմ ուղևորութեան շուրջ պատմական համեղ և հետաքրքրական զրուագներ կը կարդանք հեռեկեալ երեք թուղթերուն մէջ:

Ա.

Գերապայծառ և վեհափառ տեսան տեսան Ստեփաննոս Վրտ.իոյ  
և արքայիոյ ողջոյն և սրբազան աչոյն նաւբոյր

... մեր կրանտուզան հոսմ զնաց, նաև իմբերադորն ևս զնաց, ի քաղաքէս բազում գարտինալք անցանին ամենայն փառաւորութեամբ. պատճառ իմբերադորին գնալոյ այս է ասեն, որովհետև բարմայի տուզան բանադրած է և բորոզկալն խոռով որպէս և սբա նիան և նաբօլին. զնաց իմբերադորն հաշտութիւն առնել անձամբ, որպէս զի կարացցէ առնուլ զաղջիկն բորոզկալին և տալ զքոյր իւր բարմային. և զայս ստիպէ առնել թագուհին վասն խիղճմտանացն. քանզի պատմեն աստ, թէ կօվերնադորն տեղոյս գրեալ է մեռեալ իմբերադորին գանկատս բազում վասն եպիսկոպոսի միոյ երկրիս, և իմբերադորն հրամայեալ է աքտրել զնա. և տեղոյս իշխանն առաքեալ է սօլտաթս մինչ էր յանկողին եպիսկոպոսն, և այնպէս անարգաբար տարեալ մինչև արտաքոյ քան զիւր տիօչեզին, և ապա ասացեալ նմա զհրամանն կայսեր գնալոյ ի հոսմ. եպիսկոպոսն վաղվաղակի առեալ թուխթ ի ձեռին բանադրեաց գրով զկայսրն, զիշխանն քաղաքիս, և զպատճառ եղօղսն զսօլտաթսն որք կատարեցին զհրամանն և զմասնակից եղօղս, և ամրացոյց յոմն բողոցին